



# Synfocity = 860

mail us at : mzsynfo@gmail.com; mizoramsynod@gmail.com - Phone - 2314648

September 30, 2022

## □ Lay Leaders Residential Training vawi 216-na

Sept. 23, 2022 (Zirtawpni) kham Synod Multipurpose Training Centre (SMTC) buatsaih Lay Leaders' Residential Training vawi 216-na kharna leh Graduation chu SMTC Hall-ah neih a ni.

Training kharna inkhawm leh Graduation Programme hi Rev. Lalrinthara, Programme Director-in a kaihruai a, Upa B. Lalhmunliana, Synod Secretary (Jr.) chuan kharna thuchah sawiin trainee-te hnenah Certificate hlanna a nei a. Trainee-te tana tawngtaisakna leh lawmthu sawina hun Rev. T.C. Laltlanzova'n a hmang a, trainees aiawhin Upa R. Lianthanga, New Chalrang Kohhran hnen a tawng leh lawmthu sawina ngaihthlak a ni a, Pi K. Vanlallawmi'n hla 2 sa-in zaia rawngbawl na hun a hmang bawk.

Tun tumah hian Presbytery 9 - Teirei, Lunglei East, Kolasib, Lunglei West, Tlawng, Tuichangral North, Tawi, Khawthlang leh Chhimtuipui Presbytery a tawng Kohhran Upa 33 an tel thei a ni. Training-ah hian Resource person, Rev. Vanlazuata, Rev. T.C. Laltlanzova, Rev. F. Lalrinnunga leh Rev. Lalrinthara ten class an neihpui thin a, Synod Office Finance Manager Upa Lalsawmliana'n Sum Vawn Dan chungchang a zirpui bawk.

Synod Multipurpose Training Centre hi kum 1996-a hawn a ni a, a hawn kum a tawng Lay Leaders' Training - Kohhran Upate puala training hi neih chhoh tan nghal a ni. Tun thlang hian training hi vawi 216 neih tawh a ni a, Kohhran Upa training nei tawh zawng zawng hi mi 7041 an ni.

SMTC-ah hian kum tluanin training programme chi hnih - Ministerial leh Vocational training kalpui a ni a. Kohhran tihnghehna leh tihmasawn zelna tur Synod hnuai Department hrang hrangin Training a buatsaih thinte hi SMTC-ah hian a remchan dan angin neih thin a ni. Vocational training hnuai hian trade chi hrang hrang - Tailoring, Diploma in Computer Application (DCA), Mobile Repairing, Beauty Culture te kalpui mek a ni a, January, 2023 a tawng trade 2 - Welding & Fabrication leh Electric Wiring & Repairing hawn thar tur a ni bawk.

## □ Praise On 2022 Mal Zai intihsiak Elimination Round

Sept. 26 - 30, 2022 chung hian Praise On 2022 Mal zai intihsiak chu District 5 - Kolasib, Lunglei, Mamit, Serchhip leh Champhai-ah te neih niin heng District 5 a tawng hian mi 80 velin intihsiakna an hmachhawn a ni.

Kolasib District-in Diakkawn Kohhranah intihsiakna an nei a, Lunglei District-in Chanmari Kohhranah, Mamit District-in Mamit Kohhranah, Serchhip District-in Kawnpui Kohhranah, Champhai District-in Vengthlang Kohhran-ah te neih a ni.

Aizawl District chu Oct. 3 - 6, 2022 chungin North leh South-ah inthenin intihsiakna neih leh a ni dawn a, ni 3 & 4, 2022-ah Tuikhuahtlang Kohhranah neih a ni ang a, ni 5 & 6, 2022-ah Ramhlun Vengchhak Kohhranah neih leh a ni ang a, Hruaina Eng Channel leh Synod Information Youtube channel-ah Live a pek chhuah a ni ang. Aizawl District-ah hian tel tura hming pe 345 an awm a ni.

Elimination Round Result hi Oct. 7, 2022 (Zirtawpni) zan dar 8:30 ah Synfo Studio a tawng Live a puan a ni ang. Second Round hi Oct. 12 leh 13, 2022-ah Synfo Studio-ah neih a ni ang a, Top 50 hi Oct. 18, 20 leh 21, 2022-ah Republic Veng Kohhranah neih a ni ang a, Top 20 hi Oct. 27 leh 28, 2022 ah Chaltlang Kohhranah neih a ni ang a, Top 10 (Final Round) hi Nov. 8 leh 17, 2022-ah neih a ni ang a, Nov. 18, 2022-ah Result puan a ni ang a. Top 10 (Final Round) hi Mission Vengthlang Kohhranah neih a ni ang.

Kumin Praise On Mal zai intihsiakah hian lawmman atan pakhatna Rs. 1,00,000; Pahnihna Rs. 50,000; Pathumna Rs. 30,000 leh Consolation Prize (Top Ten tling chin) Rs. 7,000 theuh hlan an ni ang.

## □ Synod Mission Board leh ram pawn chet velna

### ◆ Masihi Sangati Awareness Campaign

Oct. 2, 2022 (Pathianni) hian Masihi Sangati Awareness Campaign nei turin Zarkawt Kohhranah Rev. R. Lalhmingsanga, Mission Board Secretary a kal ang a, hemi rual vek hian Aizawl khawchhunga Kohhran hrang hrang 65-ah Masihi Sangati Awareness Campaign nei turin BEC member, Upa leh Pastor engemaw zat an kal bawk ang.

- ◆ **Jharkhand Mission Field**  
Sept. 25, 2022 (Pathianni) khan mi 7 lal Isua zui turin an inpe.
- ◆ **Odisha Mission Field**  
Sept. 25, 2022 (Pathianni) khan mi 3 Lal Isua zui turin an inpe.
- ◆ **Delhi Mission Field**  
Sept. 25, 2022 (Pathianni) mi 4 Lal Isua zui turin an inpe.
- ◆ **Assam Mission Field**  
Sept. 25, 2022 (Pathianni) khan mi 1 Lal Isua zui turin a inpe.
- **Kohhran Inpumkhatna chungchanga inkawmhona**  
Sept. 29 & 30, 2022 hian Lunglei leh Lawngtlaiah BCM leh LIKKB hotute nen Kohhran inpumkhatna chungchanga inkawmhona leh hmalak dan tur te sawihoin Mizoram Synod aiawhin Rev. Dr. K. Lallawmzuala, Executive Secretary, Rev. Dr. Lalmangaiha, Rev. P.C Pachhunga leh Upa H. Ronghaka te an kal a. Kohhran Inpumkhatna chungchanga inkawmhona hi Synod Inkhawmpuiin a lo rel tawh, SEC-in a bawhzuina kal zel a ni.
- **PES**  
Pu PC. Vanlalhruaia, Supervisor of Schools leh NI. Deborah Lallawmpuii, O/A PES Office te chuan Sept. 14, 2022 (Nilaini) khan Bethlehem Venglai PES leh Armed Veng South PES an tlawh a, Sept. 23, 2022 (Zirtawpni) khan Tanhril, Luangmual leh Dawrpui Vengthar PES-te an tlawh leh a, Principal leh zirtirtute nen inkawmhona hun tha tak an hmang a, hmalak mek dan leh hma thar lak dan tur te an sawi a ni.
- **Trust**  
Sept. 28 - 30, 2022 chung hian Lungleiah Synod ram enfel leh Chawngte 'P'-ah Pastor Quarters enfelin Upa Thangliankhuma, AE; Pu Lalramenga Royte, JE leh Pu K. Lalremruata, OA te an kal.
- **MSSU**  
Oct. 1, 2022 (Inrinni) hian Chanmari Kohhranah Naupang Sunday School zirtirtu training neihpui turin Pu Lalhmunzauva Tlau, Asst. Coordinator leh MSSU Trainer te Upa Zionparlawma leh Upa K. Zoremsanga te an kal ang.
- **SL&PB**  
Oct. 1 & 2, 2022 hian Champhai Kahrawt Bialah Literature Seminar leh Campaign nei turin Editor Rev. Lalbiaknia; BEC Member Upa R. Vanhnuaithanga leh Rev. Prof. LH Rawsea; Asst. Editor Tv. Zohmangaiha te an kal ang.
- **Synod Social Front**  
Oct. 1 & 2, 2022 hian Social Front Campaign nei turin Resource Person te hetiang hian an kal ang:  
Vaphai Bial - Rev. Johana, Upa J. Lalzamliaana leh Upa H. Lalnghinglova  
Rabung Bial - Rev. Lalrinmawia, Upa Dr. Lalrintluanga leh Upa H. Lalsangzuala.
- **Thawktu thar**  
Synod Service Board chuan Hmangaihna In-a Case Worker hna Contract-a thawktu turin K. Lalawmpuii d/o Lalbiakngura, ITI Veng chu a la thar a, Oct. 3, 2022 (Thawhtanni) atangin a hna a zawm ang.
- **John Williams Hospital-in Ambulance an dawng**  
Sept. 27, 2022 (Thawhlejni) khan Mizoram Rural Bank (MRB) chuan MRB Day lawmna Regional Office, Lunglei-ah an nei a. He hunah hian Kohhran hrang hrang hruaitute, Sawrkar Department head-te leh sumdawng mi engemaw zat an tel a, DDM, NABARD-in a hmanpui bawk.  
He Bank Day lawmna inkhawmah hian Corporate Social Responsibility (CSR) hmangin John Williams Hospital, Lunglei hnenah Ambulance an hlan a, Govt. H/S, Lunglei hnenah water cooler an hlan bawk.
- **Synod Relief Fund**  
Tun hnaia harsatna hrang hrang nei te hnenah Synod Relief Fund atangin hetiang hian chhawmdawlna pek a ni.

S.No	Khua	Pek chhan	Chhungkaw zat	Pek zat
1.	Zokhawthiang	Khawsak harsa	1	Rs. 8,000/-
2.	Hlimen	Damlo	1	Rs. 8,000/-
			<b>BELHKHAWM</b>	<b>Rs. 16,000/-</b>

❑ **KJP Synod Pdeng (Provisional)**

Sept. 25, 2022 (Pathianni) khan KJP Synod PDeng (Provisional Synod) chu hawn a ni. He Provisional Synod hnuai hian Presbytery 6 - Laitumkhrach, Lumraplang, Khadarblang, Sepngi, Mylliem leh Mawkyndriew Presbytery te an awm a. Chanchin tha puandarh hna chak zawka kalpui nan, Mission hna a chak leh zual theih nan leh Kohhran mite Kohhran thil tiha an inhman nasat zawk nan Synod thar hi siam a ni.

Tun dinhmunah Presbyteries 6, Districts 28, Local Church 161, Branch Church 21, Ministers 51, Pro. Pastor 7, Retired Minister 6, Church Elders 509, Dan zawhkim 60935 an awm a, Member zawng zawng 1,19,872 an awm mek a ni. Zirna lamah Primary School 96, Upper Primary School 49, Secondary School 26, Higher Secondary School 4 a awm mek bawk.

Puipate chu:

Moderator : Rev. S.B.Suting  
 Moderator Elect : Rev. T.S.Wankhar  
 Secretary Senior : Rev. E. Kharmawphlang  
 Asst. Secretary : Rev. S.G. Rynksai  
 Treasurer : Elder I. Kharbyngar  
 Statistician : Rev. I. L. Mawkhiew

Executive Secretaries:

Rev. C. Syiem (Sr.) leh Rev. Sanglyne

❑ **September 30, 2022 (Zirtawpni) (FM Zoawi - Aizawl & Lunglei @ 7:30 p.m.):**

**Solo** : Lalhmingchhuangi - Min hnehsak thin, **Zaipawl** : Lunglei Presbyterian Choir - Hmangaihtu Pathian, **Thusawi** : Rev. K. Lalhmuchhuaka - Inthawina aiin thuawih, **Solo** : Esther Lalmanpuii - Khaw thianglim Jerusalem, **Zaipawl** : Khatla Bial Zaipawl - Hun tha a liam hma hian

❑ **Susamachar Prasaran Programme :**

**OCTOBER 2, 2022 (Pathianni) 5:00 pm. :**

**Group/Choir/Solo** : Mission Veng Kohhran Masihi Sangati - Lahu se Naya niyam  
**Group/Choir/Solo** : Chhinga Vengthlang - Kalvari me prabhu  
**Sermon** : Rev. B. Zobiaktluanga  
**Group/Choir/Solo** : Siamtea - Param Pitra  
**Group/Choir/Solo** : Hmingtea Tochhawng - Chhoti chhoti

❑ **Moderator leh Executive Secretary-te Programme:**

**Rev. Dr. Vanlalnghaka Ralte : Moderator**

Oct. 3, 2022 OM  
 Oct. 5, 2022 Vanzau Kohhran tlawh  
 Oct. 6-9, 2022 Tuipuiral Presbytery hmanpui

**Rev. C. Zoramawia : Senior Executive Secretary**

Oct. 3, 2022 OM  
 Oct. 6 - 9, 2022 Tuichangral South Presbytery hmanpui

**Rev. V.L. Luaia Hranleh : Executive Secretary**

Sept. 30 - Oct. 2, 2022 Synod Bookroom hawn, Hnahthial  
 Oct. 3, 2022 OM  
 Oct. 4, 2022 College of Nursing, Durtlang Oat Taking & Lamp Lighting  
 Oct. 5, 2022 FG&CC committee  
 Oct. 6-9, 2022 Tuivawl Presbytery hmanpui

**Rev. Dr. K. Lallawmzuala : Executive Secretary**

Sept. 29 & 30, 2022 BCM leh LIKBK hruaitute nen inpumkhatna chungchanga inkawmhona - Lunglei leh Lawngtlai  
 Oct. 2, 2022 Chawhnu - ITI Vengchhak Kohhran, Social Front Campaign  
 Zau - Vaivakawn Kohhran, Masihi Sangati Awareness Campaign  
 Oct. 3, 2022 OM  
 Oct. 4, 2022 PBS Committee  
 Oct. 6-9, 2022 Khawthlang Presbytery hmanpui

**RAMPUM HUAP KOHHRAN PAVALAI PAWL INTAWHKHAWM VAWI 5-NA.**

**A hun** : Sept. 30- Oct. 2,2022  
**A hmun** : Mission Vengthlang Kohhran Biak In  
**Thupui** : 'Pathian Thuawih' (1 Sam 15:22)

**30.9.2022(Zirtawpni) 7:00 p.m.**

**Pathian Biak Inkhawm**

Chairman: Rev. Z.D.Lalmachhuana, Synod Secretary  
 Thuhrlitu: Rev. Dr. VanlalngkhakaRalte, Synod Moderator  
 Zaipawl :1. Mizoram Synod Choir  
 2. Armed Veng East Kohhran Pavalai Pawl  
 3. Bungkawn Bial Kohhran Pavalai Pawl  
 4. Luangmual Vengthlang KPP

**1.10.2022(Inrinni) 10:00 a.m.**

**Pathian Biak Inkhawm**

Chairman: Rev. P.C.Pachhunga, Synod Finance Officer  
 Thuhrlitu: Upa Dr. H. Lallungmuana, Comt. Member  
 Zaipawl :1. RamhlunKohhranPavalai Pawl  
 2. TuaikualKohhranPavalai Pawl  
 3. Salem VengKohhranPavalai Pawl  
 4. Kolasib Hmar VengKohhranPavalai Pawl

**1.10.2022 (Inrinni) 1:30 p.m.Zaikhawmpui.**

Hruaitu: Upa C.Malsawmkima, Committee Member

**1.10.2022(Inrinnizan) 7:00 p.m.**

**Pathian Biak Inkhawm**

Chairman: Upa Laldinpuia Committee Member  
 Thuhrlitu: Rev. B. Zohmangaiha, Committee Member  
 Zaipawl :1. Mission Vengthlang Bial KPP  
 2. Maubawk West Kohhran Pavalai Pawl  
 3. Kanghmun Kohhran Pavalai Pawl  
 4. Sialhawk Kohhran Pavalai Pawl

**2.10.2022(Pathianni) 10:00 a.m.**

**Pathian Biak Inkhawm.**

Chairman: Rev. R.Lalnuntluanga, Committee Member  
 Thuhrlitu: Rev. H. Lalmuanchhana, Committee Member  
 Zaipawl :1. Mission Veng Kohhran Pavalai Pawl  
 2. Khatla East Kohhran Pavalai Pawl  
 3. Lungpho Kohhran Pavalai Pawl  
 4. Mamit Field Veng Kohhran Pavalai Pawl

**2.10.2022(Pathianni) 1:30 p.m.**

**Pathian Biak Inkhawm**

Chairman: Upa C.Lalmuankima, Committee Member  
 Thuhrlitu: Rev. R.C.Lalngkhakiana, Director  
 Zaipawl :1. Presbyterian Choir, Lunglei  
 2. Field Veng Zemabawk 'N' KPP  
 3. Sihphir Vengthar Kohhran Pavalai Pawl  
 4. Khawbung Vengpui Kohhran Pavalai Pawl

**2.10.2022(Pathianni) 7:00 p.m.**

**Pathian Biak Inkhawm.**

Chairman: Rev. K Lalthanliana, Bialtu Pastor  
 Thuhrlitu: Rev. C. Zoramawia, Senior Exe. Secretary  
 Zaipawl :1. Mission Vengthlang Kohhran Zaipawl  
 2. Mission Vengthlang Pastor Bial Zaipawl  
 3. Champhai Vengthlang Bial KPP  
 4. Lungchuan Kohhran Pavalai Pawl

**KOHHRAN HMEICHHE HRIATTIRNA**

Mizoram Presbyterian Kohhran Hmeichhiate enkawl Women Centre, Phunchawng-ah kum 2023 chhung atan Puanthui leh Puantah zir dilna hawn a ni leh ta a. Presbyterian Kohhran Dan chhunga awm tan dil theih a ni. Puanthui hi kum khat zir tur a ni a, Puantah zirna erawh chu kum khatah Batch 3 (January - April, May - August, September - December) a ni ang. Puanthui zir tur mi 40 leh Puantah zir tur Batch tin atan mi 10 zel lak tur a ni a. Dilna Form chu Bial tin Kohhran Hmeichhe Secretary hnenah leh Kohhran Hmeichhe Dept., Synod Office-ah lam theih a ni. Dilna Form la chhuak remchang lo tan Bial tin Secretary hnenah PDF thawnchhuah a ni, Dilna hi Office lama thelut thei lote tan a hnuaiia Phone No. tarlanah te hian Online pawhin thehluh theih a ni.

1. Dil theih hun chhung : Ni 16.11.2022 (Nilaini) chawhnu dar 2 thleng
2. Interview : Ni 18.11.2022 (Zirtawpni) 10:00am
3. A hmun : Committee Room - I, Synod Office
4. Centre-a luh hun : Ni 13.1.2023 (Zirtawpni)

Dilna chu heng number-ah hian WhatsApp hmangin a thawn theih ang -

Ph. : 9862306787 / 8731000964

*Sd/-*

Rev. VL Luaia Hranleh  
 Executive Secretary i/c Kohhran Hmeichhia